

GOGOA NUN DUGU

Gogoa nun dugu, gazteok zer gara
indarrak alkatu eta goazen hauzira.
Aker zahar bat ezarri dauskue jaingo
baina gu haren menpean ez izango
akerkume izan baino hiltzea nahiago.
Egia esan eta, hartzen dugu egurra
hala ere ez dugu onartzen gezurra
bihotza tinko ta urrun dugu beldurra.
Bide latza benetan igan behar duguna
nahiz eta egunetan dana dan iluna
noizbait helduko da amets dugun eguna.

BIDARI

Ai mutilak, ai neskatxak
nork jarraituko daust bide latza.
Ai mutilak, ai neskatxak
aurrerako bidea gaur da zaila.
Zaldiz noa bide ilunetik
nekez noa bide galdutik
hitzak esan ta hitzak batu
ahal bagina gu alkatu.
Nire zaldia nekatua da
eta ni ilunez itsuturik
otsoak inguru ohiuka
eta arratsa ilun da.
Zaldi, hoa arin,
bestela galdurik gaituk.
Zaldi, hoa arin
bide argira nagik eroan.

KAPITALISMOAK

Kapitalismoak dakarren
katai ta zapalketa
izan dadila guretzat
indar askatzailea.
Nagusi lantokietan
baserri ta eskoletan
gure herriko nausiak
izan arte aurrera.
Aurrera langileak
aurrera herri-gizona
etsaiak puskatu arte
jo dezagun aurrera.
Langile, nekazariak
euskaldun guztiak
ez dezagun gure herrian
klase diferentziak
egin dezagun biharko
Euskadi sozialista bat.

GURE MUTILLAK

Erriotzik berria
epaitze larriak,
herri-gogo zauritua dugu.
Izan gaiten anaiki haiekin
izan gaiten egiz bene benetan
beren penetan.

Gure herrien irudi zare
mutillak,
gure ametsen ikurrin zare
mutillak,
gure arduren iturri zare
mutillak.

Jaso daigun deia indarrarekin
anai batzuk dira zoritxarretan
neke larritan.

Benetan itxusi
epaitu dituzte
benetan itxusi ekarriak
heriotz-menpean.

Bihotzak iriki
lagundu ditzagun
malkoak irentsi ta adiskideok
ez etsi,
behar da kemena gerturik euki.

Larriturik naiz da
zauriturik nago
gitarrakin dei bat nahi nuke egin
zuekin.
Itxaroten hantxe dira
gure indarra behar dute
kantu honekin dei bat nahi nuke egin
zuekin.

Lurretik jaiki
gogoak itzarri
anaien laguntzean adiskideok
ez etsi,
behar dugu garra bizirik eutsi.

EGUNGO GIROPEAN

Egungo giropean
ilun dira bideak
giro nahastu honekin
nahasi ditugu ideiak.
Hori zer ote duk
zuri beltz ala gorrizka
elkarren susmoetan
gaur gehienok gabilta.
Nahikarietatik at
herri baten semeak gara
oinarrietan alkar aditzen
ez badogu,
aizetako orbel izango gara.
Herrimina sentitzen ez duena
ezin izan osoki gizona,
ez du ezer onik emango
antzu duenak bere barrena.
Gizona gizon bada
eman daigun baietza
Aitorren seme batek
zinezko behar du bere hitza.
Adar asko ohi dira
zuhaitz bakar batean
taldeak ere on dira
guztiona dan etxean.
Bakotxa gara
norberen buru jabe
hala ere bada
gorago herri lana.

GEU ASKATZAILE

Baina gu inork ez gaitu
inoiz askatuko,
Zer nahi dugu guk zinez
gizon izan edota
makurtuta bizi.

Egin, egin lana
hori da bidea,
ez itxoin inoren
laguntzarik.
Inorena hutsa da
hauxe dugu egia:
jo ta ke mutila aurrera.

Beti gara kexaz
gure zoritxarrez,
inork salba gaitzan
itxaroan,
noiz etorriko ote
urrungo izarra
salba gaitzan indarra?

Bidez jausi ohi da
gogoz alper dana
itzar anai gazte
hire garra,
hauxe baiduk bide
benetan bakarra:
askatzaile geu gara.

KAILEAN ZECHAR

Kailean zehar ninoiala bati
zer kaile zen galdetu nion,
orman jarriko zuen
baina . . .
ez dut inoiz idatzi,
ez dakit irakurtzen,
ez baidut inor hil
ez dakit inor jotzen,
ez naute inoiz askatu
ez dakit askatzen;
baina ikasi dut
sendatuaz sendatzen
nere zauriak osatzen
zauritua zauritzen.
Kailean zehar ninoiala bati
zer kale zen galdetu nion
eta ez ziran erantzunik eman;
baina honetan . . .
lagun bat arkitu nuen
hari ere galdetu nion
parre egin genuen biok.
Ogei ta amazortzi urte zituen
erabat zar ageri
asko sufritu baitzuen;
eta kailea
Gral Mola zen.

BAGARE

Araban bagare
Gipuzkun bagera
Ziberun bagire
ta Bizkaian bagara,
baita ere Laburdi ta Nafarran.

Guztiok gara euskaldun
guztiok anaiak gara
nahiz eta hitz ezberdinez
bat gera dugu hizkera.

Herri bat dugu osatzen
eta gure zabarkeriz
ez daigun utzi hondatzen.

Bagare, bagera
bagire, bagara
euskera azkartzeko
oraintxe dugu aukera.

LASTER

Laster, laster
laster izango duk
hik eta nik
itxaroten joaguna.

Lagun bat kalean
gorputz jausi duk
odol gorria dario
askatze lurruna.

Lurruna lurretik
ortzera bajoak
hodeiak eginik
bustiko gaituna.

Ago, lagun, ago
ez duk neke alperrik
oinaze ta heriotz
bere uzta bagerik.

PIANOA

AKUSTIK KITARRA

SEI HARIKO KITARRA

ZORTZI HARIKO KITARRA

BEHE-KITARRA

KONTRABAJOA

TXILIBITUA

ESKU-SOIÑUA

PERKUSIOA

MOLDAKUNTZAK ETA

ZUZENDARIA

GRABAKETAK

ASIER LOROÑO

FERNANDO LÓPEZ

CARLOS MONTERO

CARLOS MONTERO

JOSE OLIVER

CARLOS MONTERO

JOSE OLIVER

ASIER LOROÑO

E. DUARTE

CARLOS MONTERO

ESTUDIOS REGSONE'N

